



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 7

Yangia anidakangma :

Tir Yimiyim

tiryimiyim@aolima

tir yimiyim

TAPAK 8

India-Lanka tsungda tesendaktep
junga ayutsu tongtibang: Shringla

Japan Ato Kilonser asutsu
Fumio Kishida shimogo



VOL. XVIII NO. 354 (ADOK 354) DIMAPUR

SANGTENNÜ (TUESDAY) MONGPUTENI (OCTOBER) 05, 2021

₹ 5.00

ENPUM-i 'silent procession' ayonger

Dimapur, Mongputeni/Oct. 04 (TYO): Eastern Nagaland Peoples' Union Mokochung Town ajanga par ketdangpurtem, Alichen Unit, Six Tribal Union, Federating Units, kaketshir tentet, tetsur tentet, Eastern Nagaland Churches aser ENPUM kubok aliba Eastern nubur ajunga dang, September 14, 2021 nu Esther Phom tepsetba tejashi temaitsu Mokochung Town nung 'silent procession' ka alitsu aser iba sulen Deputy Commissioner, Mokochung nem tezuluba nung takhangba ka agutsutsu, ta

metetdaksuogo. October 6, 2021 anepdang 10:00 ako nungi tenzuka Police Point nungi Deputy Commissioners' Office Mokochung town tashi ola madoki lokti jajaba nung Mokochung jila kubok alir zungsem ajunga arua adentsu ayongziker, ta sangdong ajanga ashi. Ajidang masu, temolungertema pelashishia jaoker, aser nuburtem Imlong place (Main Police Point) nung procession metenzukdang adenshitsu, ta Union ajanga ashi.

Kohima DPDB-i sorkar dang Tseminyu district akumtsu abener

Dimapur, October 4, 2021 (TYO): Kohima District Planning and Development Board (DPDB)-i Tseminyu Sub-Division nungi Tseminyu District ajungkettsu atema sorkar dangi benogo. October 4, 2021 nu DPDB Chairman aser Technical Education and Election Advisor, Medo Yhokha menden ser DPDB senden amendang iba telemtetba agi. Senden nung MLA Advisor, Vety & AH and Women

Resources, R. Khing aser ADC Tseminyu, W. Manpai Phom NCS nungertemi Rengma nungeri Tseminyu sub-division nungi District ajungkettsu aginuba dak sendakba tebilebatem lemsatop. Idangji Urban Development and Municipal Affairs Advisor Dr. Neikiesalie Nicky Kire, MLA Keneizhakho Nakhro aser Angami Public Organisation (APO) Vice President Neivor Rutsa nungeria Tseminyu District akumtsu pusema nungit aser sorkar dangi abentsu molunga agizuk.

COVID-19 Nagaland: 10 dak putet & 26 taneptsu angu

Kohima, October 4, 2021 (TYO): Nagaland nung Hombarnu COVID-19 puteter dang nungibo taneptsu angur teimba liasü. Tanu nisung 26 taneptsu angu aser 10 dak putet. "Tesuiba ghonda 24 tsungda nisung 10 dak putet. Parnokji Dimapur nung 6 aser Kohima, Mokochung, Phek o Tuensang nung kaka (1) lir," ta Integrated Disease Surveillance Project atema State Nodal Officer, Dr Nyanthung Kikon-i ashi. "Kasa mapang COVID-19 puteta alir nisung 26 taneptsu angu. Parnokji Dimapur nung 24 aser Kohima o Mokochung nung kaka (1) lir" ta paisa ashi. "Nisung 31,322 rongnungi 29,340 taneptsu nguogo aser ibaji 93.67% lir" ta paisa shisem. Tang nisung 313 anepaludar

saka parnok rongnungi nisung 225 dakbo shirangba yimya kecha mali, ta Dr Kikon-isa ashi. "Deobar tashi nung nisung 690,376 nem COVID-19 vaccine indang dose 10,68,383 agutsuogo" ta State Immunization Officer, Dr Ritu Thurr-ia ashi. "Vaccine agirtemji frontline workers 60,942, healthcare workers 15,996, arishi kum 45 ser mapur 198,612 aser arishi kum 18 nungi 44 tsungda alir 414,826 lir" ta paisa ashi. "Vaccine agirtem rongnung nisung 378,007-i dose anaprong agiogo. Parnokji frontline workers 47,339, healthcare workers 13,266, arishi kum 45 ser mapur 139,868 aser arishi kum 18 nungi 44 tsungda alir 177,534 lir" ta Dr Thurr-isa metetdaksu.

ACAUT Nagaland-i SAPO nem tenungsang agutsur

Dimapur, October 4, 2021 (TYO): British nunger yimsusuba mapang nungi Phesama gate nung tax saruyonga aru saka Southern Angami Public Organization (SAPO)-i October 1, 2021 nungi tax magitsu lemtetba atema tenungsang agutsur, ta ACAUT Nagaland-i metetdaksu. Asen loktiliba nung ozung timi benshitsu, azukarutsu aser tiptema alitsu atema Naga nunger ajaki iba ama tatishitsu tulu aliba bangzung

ta ajizuka benshitsu, ta Media Cell sangdong ka nung ashi. SAPO kubok yim 13-i Jakhama yim nung iba otsusutsusa 'local products' nung tax magitsu telemtetba agi. SAPO-i nubortem dang tax agiba anema aser sorkari tax tenokdangba agutsuba pusema iba telemtetba agiogo. SAPO-i teti parnok telongtet nung teloktemi tax saruba merenshitsu ta asuba atema tenungsang agutsur, ta ACAUT Nagaland-isa metetdaksu.

DoSE aser NagaEd tsungda MoU nung sign asu NAGALAND ASOSHI DIGITAL DELIVERY MODEL YANGLUTSU

Dimapur, October 4, 2021 (TYO): Nagaland nung aliba school tem nung digital inyakyim yanglutsu atema Department of School Education (DSE) aser NagaEd tsungda Memorandum of Understanding (MoU) ka nung sign sutepogo.

Directorate of School Education nung Principal Director, Shanavas C aser NagaEd Co-founder, Ms. Shiroi Lily Shaiza nati MoU nung sign asu.

Iba ajanga NagaEd-i Nagaland nung kaketshirtem, tesayurtem aser rejutem nung digital education services agutsutsu atema sentong renemtsu. Parnokisa state nung Digital Delivery Model yanglutsu atema Department nem shisatsu agutsutsu.

"Yakum nungi NagaEd aser Department tsungda yaritepa arur. Wara mapang Department-i kaketshirtem dang maneni sayutsu atema inyakyimtem bushitop. Onoki YouTube aser

Facebook pages ajanga class ajak atema educational videos adoka prokshi" ta Principal Director, Shanavas C-i o jembidang ashi.

NagaEd aser Department-i software solution ka yanglutsu atema yariteptsu. Iba software ajanga kaketshirtem den indangindanga sendakteptsu atema school tem dangi video aser resources ajak agutsutsu, ta pai ashi.

NagaEd aser Department-i Covid wara mapang aiben online aser offline surveys agiogo. Item ajanga kaketshirtem, tsuraburtem aser tesayurtem taginuba metettsu merandang, kari online system aginuba aser karibo ano iba inyakyim ajanga angazuktsu mapang talangka lir ta shiogo ta Shanavas-isa ashi.

"Iba ya Nagaland indang education system nung temelenshi tulu ka lir. Digital education agi nungbo ta masu kodang nungi agitsu ta asuba mapang ka nung asenok alir. Kaketshirtem, tsuraburtem aser

tesayurtemi tetsukdaksu ajuruba onoki angateta lir aser onoki Department den quality digital distance learning aser teaching solutions atema yariteper" ta NagaEd Co-founder, Ms. Shiroi Lily Shaiza-ia ashi.

"Nagaland nung tsuraburtem, tesayurtem aser kaketshirtem ajangzüksu atema onoki Department den yaritepa Digital Delivery Model ka adoktsu meranger" ta laisa ashi.

Tawa tu Department of School Education-i Nagaland nung sorkar school tem ajungkettsu aser tajungba kumdaktsutsu atema World Bank ajanga teyari agutsuba \$68 million (Rs 503 Crore) mapatong ka inyaktu agizukogo.

Department-i kaketshirtem aser tesayurtem dang NagaEd ajanga adokba educational resources amshitsu ayongzükogo.

NagaEd indang free resources ji www.nagaed.com/free-resources nung angutsu.

Nagaland police-i hon seret 48 den temesepba mozü aika apu



October 4, 2021 nu PHQ Kohima nung ADG Sandeep Tamgadge aser tanga police ketdangsurtemi Rs 22.78 crore alang hon apuba sayua agiba noksa angur. (Kohima, October 4)

Kohima, October 4, 2021 (TYO): Kohima district nung Nagaland police indang Narcotic cell & highway patrol party ajanga ozung alema shibelenba hon aser temesepba mozü aika puogo. "October 2, 2021 nungi tanep tashi nung Nagaland police-i Rs 26 crore alang hon aser temesepba mozütem apu" ta Additional Director General of Police (Law & Order) Sandeep Tamgadge-i ashi.

Hombarnu Police Headquarters nung osangbener senden ka nung Sandeep Tamgadge den IGP (Int) Imlisunep, DIG (CID) Roopa M, SP (Narcotics) Bendang Chuba Jamir aser SP (Crime) Manoj Kumar nungertem aden.

Khuzama, Kohima nung aliba interstate Narcotic Check Point nung Narcotic Cell police-i Deobarnep Manipur indang registration number aliba gari ka mita repringdang hon bena aliba ngutet.

"Iba gari nung hon seret 48.14 bena liasü aser iba indang jenjangji Rs. 22,78,46,620" ta

Sandeep Tamgadge-i ashi. Gari indang gear lever nembangba telung nung honji miima bena liasü. Taseptsu 29 nung gold bars terer (10) enoka liasü, ta paisa ashi.

Hon aser gari puogo aser Uttar Pradesh nunger nisung ana-Saurabh Singh aser Pawan Kumar na dang asungdangya asutsu atema puogo.

"Honji Manipur nung bener aruba liasü anungji iba bushisungdangba nung state aika dak kongshitsu. Tena dang asungdangya asudang Agra-i bener aoerba liasü ta ashi saka iba osang tejangja ano memetet" ta Tamgadge-isa metetdaksu.

Deobarnu Khuzama nung aliba Narcotic Check Point nunga opium ta temolung melemi bilemba seret 12 apu.

Manipur nunger Tularam Sarki aser Sagar Ghali ket nung opium bena aliba apu, ta Additional Director General of Police (Law & Order)-isa ashi.

October 2, 2021 nikongdang Narcotic Cell police-isa Heroin ta temolung melemi bilemba gram

552 apu, ta ADG-isa metetdaksu. Manipur kubok Imphal nung alir Md. Riyajuddin ket nungi heroin ji apu aser pa ya West Bengal registration aliba gari ka nung liasü.

Hon aser mozü aika shibelenba indang osang kar angashiba sulen apuba asu ta osangbenertemi asungdangdang "Narcotics police-i akhi ama garitem mita repringdang apu" ta Tamgadge-i langzü.

National Highway-29 nung ozung alema temesepba mozü shibelenba ta osang ka angazükba sulen Kohima police indang Highway Patrol Unit-i Hombarnep Assam registration aliba gari ka soter mita repringdang heroin gram 532 tashi bena aliba apu.


SDPO (North) lenisuba kubok Highway Patrol Unit-i gari nung miima yangluba tesem ka nung mozüji apu. Iba dak sendakba nung nisung pezü-Chochong Thomsong, Lunlalsem Haokip, Lunminlal Doungel aser Alein Thomsong nunger apu, ta ADG Tamgadge-isa metetdaksu.

Nagaland Police-i apuba opium aser heroin indang jenjangji international market nung Rs 3 crores shi asutsu ta asadangetogoo.

Nagaland police-i ozung alema temesepba mozü shibelenba azuoktsu, ta Tamgadge-i metetdaksu.

Manipur state den Nagaland sendaktepba highway nung ozung alema mapa inyakba ajak azuoktsu aser samatsutsu, ta paisa shisem.

TGZPMC-i NBSE kübok agiba HSLC tatidang nung topper ana tushi



"TGZPMC Academic Excellence Award 2021" sentong takok ngua agir külen senpet agizüker Sp. Limatongzük Lkr aser tebu, Sp. Aotushi meyonga arur kinunger aser TGZPMC züngsemtem külemi tangokba noksa nung angur. Mokokchung, 4 October, 2021.

Mokokchung, 4 Oct (TYO): Dikhu Green Zone Project Management Committee (TGZPMC)-i 2021 küm NBSE-i agiba HSLC tatidang nung top 20 jenjang nung takok angur Longsa ka aser Ungma nung ka nem konang tetushi agütsüba sentong tajung ka yangi Mokokchung nung TGZPMC kimen kidang ayongzüka agiogo.

Konang tetushi senpet agizüker anaji; Longsa nung Mokokchung town nung alir Wb. Jongpongtemsu'er jabaso Sp. Limatongzük Lkr, Straightway Hr. Sec. School Mokokchung nungi top 11 (96.67%) nung takok angu aser tanabubaji; Ungma nung Kohima yimtiba nung alir Wb. Taliwapang Imsong'er jabaso Sp. Aotushi Imsong, Minister Hill Baptist Hr. Sec. School Kohima nungi top 12 (96.50%) ajangzüketa liasü.

Iba konang tetushi senpet agütsüba sentong ya 2015 nungi Longsa aser Ungma senso shirnoki NBSE kübok agiba HSLC tatidang nung tangar dang alakteta takok ngudir, parnok nensa senpetja arur. Aji oda, tia junga taküm kumbo HSLC tatidang nung yimnasanger nungi topper kaka

densema liasü. TGZPMC ajanga tena nem kuli kakat tajung den senpet sen (cash award) meyi ter-er (Rs. 10,000 each) agütsüogo.

TGZPMC ya Longsa & Ungma yimnasanger-i tarutsü nükla yur alima tzü mopung aser arem min wazüka ayutsü asoshi tentetba mapatong tajung ka lir. 2015 nungi tenzüka tanü tashi nung iba tetushi senpet ya Ungma nung asem (3) aser Longsa nung asem (3)-i ajangzüketa lir. Par topper trok (6) ya TGZPMC pur asoshi alima tzü mopung aser arem shiruru wazüka ayuba nung ambassador kaka lir.

"TGZPMC Academic Excellence Award" senpet agizüka Sp. Limatongzük mapang tatsüka agia jembidang, kakatshirtem ajungshia TGZPMC-i iba ama sentong tajung atongba asoshiba pelaba den pai takok anguba asoshi Tsüngrem nem tama tenüngsang agütsü aser par tsürabur aser tesayurtem nem akhüm tetushi agüja lir.

"Lesson bushidang Tsüngrem dang shisatsü meshir azüng, class room tonger külen Tsüngrem dang tama sarasadem aser tatidang mapang tasüngdangbatem langzür külen

Pa dang iba nungji nai yariang ta sa sarasadema liasü. Aser nai mulung nungbo topper rongnung tendakjang ta sarasadema liasü", ta pai kuli kar ashi. "Topper rongnung adentsübo kecha meimlai liasü saka Tsüngremi kü sarasadem langzü südi", ta paisa shisem.

"Tsüngremi ni asoshi sentong tajung ka renemja lir ta ni amanger, kenü anogo kü taküm nung ni medical doctor ka akümmür", ta pai tejangraba lemsatep. "Tanü alima nung tatishitak tapu balala ajanga nüburtem timtemer, anungji, parnok taküm kümzüksü atema ni medical doctor ka kümmür", ta paisa shisem. Sp. Aotushi Imsong iba sentong nung koda masüba maparen kar ajanga marutet saka meyonger pa teko ka arua iba senpet agizükba den tepela o kar lemsatepa liasü.

Tanü iba sentong nung TGZPMC chairman Tia Longkumer aser TGZPMC Secretary Jongpongtemjen nati anir TGZPMC züngsemtem, Longsa/Ungma Senso Telungjem Mokokchung town nungi ketdangsürtem, Limatongzük tebu aser Aotushi'r kinungertemi shilem agia tepela o den tajungshi o lemsatep.

Election Department ajanga metetdaksür

Dimapur, Mongputeni/Oct. 04 (TYO): Election Department ajanga sangdong ka nung ashiba agi, Representative of Peoples Act 1951 indang Section 166 nung shia aliba ama, Representative of Peoples Act 1951 indang Section 160 nungi 165 kübok

State Sorkar nem tashi agüja aliba tashi ya 58-Shamator-Chessore (ST) Assembly Constituency nung Bye-Election agitsü atema State Sorkar tenüng nung gari aser tesem mükatsü asoshi Deputy Commissioner & District Election Officer, Tuensang

nem agütsür. Nija mesüra reju/tentet meyong gari aser tesem amshiba atema Representation of Peoples Act 1951 indang Section 161 kübok temelen senotsü agütsütsü, ta sangdong ajanga ashi.

Kohima Police-i sen crore ana jenjang temesepba mozü apu



Dimapur, Mongputeni/Oct. 04 (TYO): National Highway 29 nung temesepba mozü belenba osang tejangja kar angazükba nung ajemdaker SDPO (North) lenisüba kübok Kohima Police indang Highway Patrol Unit ajanga October 4, 2021

anepdang 5:30 ako meta Maruti Baleno gari ka (registration number AS01DF/6555) soiter mita bushiba mapang heroin südi ta temolung melemteti aiba oset gram 532 tashi sapon case 42 nung kanga junga aleper bena aliba nguteta liasü, ta sangdong

ka ajanga ashi. Iba tenokdangba oset ya gari telung nung alakteta yangluba takdang ka nung miima bena liasü.

Iba dak sendakba nung arishi küm 24 tain Chochong Thomsong, arishi küm 27 tain Lunlalsem Haokip, arishi küm 18 tain Lunminlal Doungel aser arishi küm 26 tain Alein Thomsong pua liasü aser parnoki bena aliba mozü den gari ya pua liasü.

Iba ken o bushisüngdangba mapang parnoki bena aliba temesepba mozü ya international market nung sen crore ana jenjang, ta bushitet.

Iba dak sendakba nung maneni bushisüngdangtsü atema ken o ka Sechü (Zubza) Police Station nung benoka lir, ta sangdong ajanga ashi.

ADC & Administrator, Mokokchung ajanga metetdaksür Dimapur, Mongputeni/Oct. 04 (TYO): Tang latetja aliba ak shi jenjang den bendenloksema an oak shi whole sale indang tabu ka bendenloktsür, ta ADC & Administrator, Mokokchung, Shashank Pradap Singh, IAS

Naga Council Dimapur ajanga asükhü lemsatep

Dimapur, Mongputeni/Oct. 04 (TYO): Taoba mapang Naga Council Dimapur indang züngsem, A. Akiu ajungbena asüba atema mangyim tejashi lemsateper, ta Naga Council Dimapur sangdong ka ajanga ashi. A. Akiu ya Dimapur nung October 3, 2021 nü asü.

Pa ya Naga Council indang maparen balala nung kanga yakyaka shilem agiba lenir ka

ajanga sangdong ka nung metetdaksü. Iba ak shi tabu ka ya Modernized abattoir slaughtered meat (MASM) alitsü aser iba ya seret ka nung sen 250 alitsü, ta sangdong ajanga ashi.

liasü aser Vigilant Committee nunga züngsem liasü, aser pai Dimapur aser Naga nung ajunga jungtepa alitsü atema mapa tajung jenti inyaka liasü, ta NDC ajanga ashi.

Naga Council Dimapur ajanga mangyimer kibong den asükhü lemsateper aser asür tanüla tesunep nung süngzükjang ta sarasademtsür, ta NDC ajangasa ashi.

NSCN-K (Niki) ajanga benjong salem abener

Dimapur, Mongputeni/Oct. 04 (TYO): NSCN/GPRN ajanga Khiamniungan kin aser Pochury kin dangi Tsokum benjong aser Yemshe benjong salem abener, ta MIP, NSCN/GPRN sangdong ka ajanga ashi.

Tulusang Tsüngremi kin ana nem anema aliba, tesunep aser yimchi-yimjung moajangma. Iba aluruba benjong ya ajanga nüburtem tali lungjemshitsü aser kati ka tali meimtsü sarasademtsür, ta sangdong ajanga ashi.

SD Jain Charitable Clinic ajanga Medical Camp ayongzük

Dimapur, Mongputeni/Oct. 04 (TYO): S D Jain Charitable Clinic ajanga Naruvi Hospital, Vellore den lungjemer Specialised Medical Camp ka October 8 & 9, 2021 anogotem nung ayongzüksü, ta sangdong ka ajanga ashi.

Iba camp nung agüja aliba doctor tem yagi temang tendanga anepalutsü:

1. Dr. Rohit Sethi - M. Ch (Urology)
2. Dr. Backiaraj. D - M.S (Ortho)
3. Dr. Rajagopal. T. V - M.D (Pulmonary)

4. Dr. Lesley Ponraj - M.D (General Medicine) aser Diabetic. Anogo ka nung doctor shiai nisung 30 dang anepalutsü. Temang reprangdaksütsü atema sen 200 agütsür tenüng zülüoktsü akok.

Iba atema tali tejangjaba metetnürä Narendra Jain, Secretary, S D Jain Charitable Clinic, Dimapur den 9436002161, 6009750821 aser Praveen Patni, Joint Secretary, S D Jain Charitable Clinic den +91 94360 13482 ajanga tongteprateptsü akok.

NBSE-i Central Sector Scholarship Scheme atema metetdaksür

Dimapur, Mongputeni/Oct. 04 (TYO): Ministry of Education, Department of Higher Education, NS.I Section, Government of India ajanga tuyuba ama Central Sector Scholarship Scheme (CSSS) agitsü atema mera kar agitsü asoshi Nagaland Board of School Education ajanga metetdaksüogo, aser itemji yamai alitsü:

1. Scholarship indang application tasen aser tasen kumshitsü atema 18/08/2021 anogo nungi inyaktetsü. Application ya <http://scholarship.gov.in> portal nungi agütsütetsü.
2. Scholarship ajunga lemshia agütsütsü atema Aadhaar seeding nüngdaksü.
3. Tajangzük angur (beneficiary) ajak bank account temeja balaka alitsüla aser parnok bank account number den Aadhaar number sendaktepa alitsüla.

4. Principal/Head of the Institutions ajanga parnok indang reju ya mezügnuba National Scholarship Portal (NSP) (<http://scholarship.gov.in>) nung register asütsüla. Parnok dak CSSS agitsü temsüa aliba kakatshirtem indang osang NPS portal ajanga mapang telatet ka nung metetdaksütsü ashitsü.

5. Head of Institution temi agüja aliba portal nung magütsü dang CSSS beneficiary students (new and renewal) indang application ya jangjashitsüla. Kakatshir dang application ya portal nung metetdaksüba anogo tatakzük nung agütsütsü ajungshitsüla.

6. Kakatshirtemi taoba mapang agütsüba bank account ya tang tashi amshir asü masü aser Aadhaar den sendaktepa ali asü mali, itemji reprangshitsü metetdaksür.

Assam Congress tir-i party MLA Sherman Ali agienogo

Guwahati, October 04, 2021

(Agencies): Party inyakyim nung mapang shia aibelenba atema Assam Congress tir Bhupen Kumar Borah-i party MLA Sherman Ali telok nungi agienogo.

Ali nem agütsüba show-cause ka nung pai telangzüba kecha magütsüba sülen party nungi pa agientsü asoshi Assam Pradesh Congress Committee (APCC)-i teletetba agia liasü.

Ali-i party anema jembiba aser mezüingmeshiba atema police-i Honibarnü Dispur kübok pa alidak MLA Hostel nung apu.

APCC indang General Secretary, Bobbeeta Sharma ajanga agütsüba tetuyuba nung, "Party inyakyim nung aibelenba atema APCC president Bhupen Kumar Borah-i Congress Party nungi Sherrnan Ali Ahmed, MLA, member ACLP

agenogo," ta shia lir.

Assam nung lungkak aiba mapang taküm samartem mezüingmeshiba atema October 1, 2021 nü Assam Congress-i Sherman Ali nem show-cause notice ka agütsüba liasü.

Iba dak sendakba nung telangzüba agütsüba asoshi Assam Congress-i Sherman Ali nem anogo asem atakzütsü.

Iba notice agütsür sülen anogo asem tashi nung MLA Ali-i telangzüba kecha magütsüba yong, APCC president Bhupen Kumar Borah-i, Hombor nungi tenzüka pa (Ali) party nungi agientsü tetuyuba agütsü.

Ajisüaka, party nungi Ali agiena atatsü asoshi iba order nung APCC-i shia mali.

Tang, Sherman Ali ya Panbazar Police ket nung yua lir.

Court ajanga, Deobar nungi

tenzüka anogo ana tashi Baghbor MLA Ali police ket nung ayutsü obendang agütsüogo.

Panbazar police station nung ken o ka benokba dak sendakba nung Ali pua liasü.

Ano, Dispur aser Geetanagar police station nung Ali anema ken o ana tashi benoka lir.

1983 küm Assam nung lungkak aiba mapang Darrang District nung nisung 8 tepsetba ya tim dang ta kuli agütsür, ta MLA Ali-i ashi.

Iba lendong nung taküm samartem nisung 8 ya pei lima asoshi taküm bendanga agütsürtem ta sangdong saka Ali-i parnok ya nisung tepsetertem ta ashi.

Pei lima asoshi taküm bendanga agütsürtem mezüingmeshiba mapang, Baghbor MLA-i, "Nisung tepsetertem kodanga tushia mamshitsü. Parnok aitsütsüla," ta ashi.

Shillong kübok NPP office nung IED bomb ka ngutet

Shillong, October 04, 2021

(Agencies): Hombor anügang Shillong nung Lower Lachumiere area kübok National People's Party (NPP) office nung Improvised Explosive Device (IED) bomb ka nguteta liasü.

Meghalaya indang telungpur telok Hynniewtre National Liberation Council (HNLC)-i Facebook post ka nung ruling party office nung bomb ka yuja lir, ta metetdaksü.

Indo-Bangladesh arrtsülen Dawki jila den Shillong sendaktepba lenmang ka tajungba yanglushitsü atema nungshilong ka azüngtsütsü asoshi Tatong Tir

Venkaiah Naidu-i Shillong semdangba mapang iba bomb nguteta liasü.

Iba Facebook page (HNLC) ya Sainkumar Nongtraw-i amshir, koba HNLC indang publicity secretary alitsü ta bilemer.

HNLC-i Facebook post nung, teloki (HNLC) NPP office nung yangkhu ka nung IED inoker yuja lir, ta ashi.

Police-i iba IED bomb anguba sülen, bomb squad ka iba tesem (NPP office) tonga aru.

Iba office nung bomb inoka yutsürtem jangjatetsü asoshi police-i bushisüingdangtsü tenzüko.

DEBTS RECOVERY TRIBUNAL, GUWAHATI

Government of India, Ministry of Finance
Department of Financial Services (Banking Division)
Suwarna Bhawan, House No. 12, New Town Path,
Near Hanuman Mandir, G.S. Road, Ulubari, Guwahati- 781007

NOTICE OF DEMAND TO THE CERTIFICATE DEBTOR(S)

(See Sections 25 to Section 29 of the Recovery of Debts Due to Banks and Financial Institutions Act, 1993 and under Rule 2 of Second Schedule of the Income Tax Act, 1961)

RC. No. 3182/2018

Bank of Baroda (Erstwhile Vijaya Bank) Dimapur Branch

-Vs-

M/s. Nagaland Enterprises & Ors.

To,

(CD 1) M/s. Nagaland Enterprises

Represented by its Proprietor Shri Debasish Deb, ADC (J) Natun Basti, Jn Natun Basti, Dimapur, Nagaland- 797112.

(CD 2) Mr. Tapash Deb Roy

S/o Late Jyotirindran Deb Roy, R/o North East Pure Beverages, Industrial Estate, Opp. Dimapur Sub Jail, Rangapahar Road, Dimapur.

This is to certify that a sum of **Rs. 45,36,463.00 (Rupees Forty Five Lakhs Thirty Six Thousand Four Hundred Sixty Three only)** as per details given below has become due from you consequent to a Recovery Certificate issued by the Ld. Presiding Officer by an order dated 29-11-2018 in Case O.A. No. 269/2018.

(1) Amount due as per the Recovery Certificate:	Rs. 40,81,127.00
(2) Interest from 30.04.2018 to 15.02.2019 @ 12.25% P.A.	Rs. 4,12,336.00
(3) Costs	Rs. 43,000.00
TOTAL	Rs. 45,36,463.00

2. You are hereby directed to pay the above sum within 15 days from the publication of this failing which the recovery shall be made in accordance with the provisions of Sections 25 to Section 29 of the Recovery of Debts Due to Banks and Financial Institutions Act, 1993 and under Rule 2 of Second Schedule of the Income Tax Act, 1961.

In additions to the sums aforesaid, you will be also liable for

(a) such interest as is payable in accordance with the recovery certificate (RC No. 3182/2018) for the period commencing immediately after issue of recovery certificate to the date of realization, and

(b) all costs, charges and expenses incurred in respect of the services of notices and of warrants and other processes and proceedings taken for realization of the dues.

GIVEN UNDER MY HAND AND SEAL ON 30TH DAY OF SEPTEMBER, 2021.

(S. KUMAR)

RECOVERY OFFICER

DEBTS RECOVERY TRIBUNAL, GUWAHATI

Government of India, Ministry of Finance
Department of Financial Services (Banking Division)
Suwarna Bhawan, House No. 12, New Town Path,
Near Hanuman Mandir, G.S. Road, Ulubari, Guwahati- 781007

NOTICE OF DEMAND TO THE CERTIFICATE DEBTOR(S)

(See Sections 25 to Section 29 of the Recovery of Debts Due to Banks and Financial Institutions Act, 1993 and under Rule 2 of Second Schedule of the Income Tax Act, 1961)

RC. No. 3181/2018

Bank of Baroda (Erstwhile Vijaya Bank) Dimapur Branch

-Vs-

Mrs. Aboli Chishi & Ors.

To,

(CD 1) Mrs. Aboli Chishi

D/o Sri Khotovi Chishi, House No. 143, Kuchiabill Dimapur P.S. (East), P.O. Dimapur, Nagaland, PIN- 797115.

(CD 2) Mr. Akash Choppy

S/o Late Ashito Choppy, House No. 143, Kuchiabill Dimapur P.S. (East), P.O. Dimapur, Nagaland, PIN- 797115.

This is to certify that a sum of **Rs. 21,85,427.00 (Rupees Twenty One Lakhs Eighty Five Thousand Four Hundred Twenty Seven only)** as per details given below has become due from you consequent to a Recovery Certificate issued by the Ld. Presiding Officer by an order dated 29-11-2018 in Case O.A. No. 271/2018.

(1) Amount due as per the Recovery Certificate:	Rs. 19,74,183.00
(2) Interest from 31.05.2018 to 15.02.2019 @ 13.05% P.A.	Rs. 1,89,244.00
(3) Costs	Rs. 22,000.00
TOTAL	Rs. 21,85,427.00

2. You are hereby directed to pay the above sum within 15 days from the publication of this failing which the recovery shall be made in accordance with the provisions of Sections 25 to Section 29 of the Recovery of Debts Due to Banks and Financial Institutions Act, 1993 and under Rule 2 of Second Schedule of the Income Tax Act, 1961.

In additions to the sums aforesaid, you will be also liable for

(a) such interest as is payable in accordance with the recovery certificate (RC No. 3181/2018) for the period commencing immediately after issue of recovery certificate to the date of realization, and

(b) all costs, charges and expenses incurred in respect of the services of notices and of warrants and other processes and proceedings taken for realization of the dues.

GIVEN UNDER MY HAND AND SEAL ON 30TH DAY OF SEPTEMBER, 2021.

(S. KUMAR)

RECOVERY OFFICER

GOVERNMENT OF NAGALAND

PERSONNEL & ADMINISTRATIVE REFORMS DEPARTMENT
(ADMINISTRATIVE REFORMS BRANCH)
NAGALAND: KOHIMA

ADVERTISEMENT

Dated: Kohima, the 4th October, 2021

No.AR-8/NSSB-1/2020: In pursuance to the Cabinet decision vide No.CAB-2/2013 dated 30.09.2021 and in continuation to this Department's advertisement of even No. dated 02.09.2020, the posts are hereby re-advertised for filling up of the following vacancies on deputation under Nagaland Staff Selection Board (NSSB), Government of Nagaland in the manner prescribed below:

NAME OF THE POST & ELIGIBILITY CRITERIA:

Item No. 1: 1 (one) post of Secretary-cum-Controller of Examination in the rank of Joint Secretary on deputation from Nagaland Civil Service (NCS).

Item No.2: 1 (one) post of Assistant Controller (Establishment) in the rank of Deputy Secretary on deputation from Nagaland Secretariat Service (NSS).

Item No.3: 1 (one) post of Assistant Controller (Examination) in the rank of Deputy Secretary on deputation from among officers of the Directorate of School Education or Nagaland Board of School Education.

The conditions of eligibility criteria for Item No.3 shall be with a minimum academic qualification of a Master Degree in any discipline and minimum of 5 (five) years experience in examination matters.

SCALE OF PAY:

Item No.1 : Pay Level-17 of Pay Matrix (Grade Pay-8700)

Item No.2 & 3 : Pay Level-16 of Pay Matrix (Grade Pay-7600)

NOTE:

- While submitting the applications, the candidate is requested to submit biodata/ service details/ experience in proforma at Annexure-I attached which can be downloaded from the Department's website dpar.nagaland.gov.in.
- It should be duly certified by the parent department and NOC from parent department.
- The period of deputation shall be of 3 (three) years.
- Last date for submission of application shall be within 15 (fifteen) days from the date of publication of this advertisement.
- Online application will be accepted vide official email: admreformsbranch@gmail.com.
- After scrutiny of the applications, suitable candidates will be shortlisted and called for interview/ personal interaction by the Selection Committee.

Sd/- JALAM, IAS

Chief Secretary to the Government of Nagaland.

Issued by DIPR

GOVERNMENT OF NAGALAND

PERSONNEL & ADMINISTRATIVE REFORMS DEPARTMENT
(ADMINISTRATIVE REFORMS BRANCH)
NAGALAND: KOHIMA

ADVERTISEMENT

Dated: Kohima, the 4th October, 2021

No.AR-8/NSSB-5/2020: In pursuance to the Cabinet decision vide No.CAB-2/2013 dated 30.09.2021 and in continuation to this Department's advertisements of even No. dated 15.09.2020 and 10.11.2020, the posts of Chairman and Members under Nagaland Staff Selection Board (NSSB) are hereby re-advertised in the manner prescribed below:

NAME OF THE POST:

Item No.1: 1 (one) post of Chairman

Item No.2: 2 (two) posts of Members

ELIGIBILITY CRITERIA:

Item No.1: a). At least 30 years of experience in public administration, public service and academics for appointment to the post of Chairman provided that there should not have been any disciplinary action taken against them during their service.

Item No.2: b). At least 25 years of experience in public administration, public service and academics for appointment to the post of Member provided that there should not have been any disciplinary action taken against them during their service.

SALARIES AND ALLOWANCES:

The Chairman shall be paid a salary fixed at `1,44,000/- per month and the Member shall be paid a salary of `1,18,000/- per month along with Dearness Allowances at rates notified by the Government of Nagaland from time to time. In case of a retired person, his/her pension will be deducted from the above salary.

For further details of terms of employment, please see P & AR Notification No. AR-3/GEN-374/2020 dated 20.07.2020.

NOTE:

- While submitting the applications, the candidate is requested to submit biodata/ service details/ experience in proforma at Annexure-I attached which can be downloaded from the Department's website dpar.nagaland.gov.in.
- Last date for submission of application shall be within 20 (Twenty) days from the date of publication of this advertisement.
- Online application will be accepted vide official email: admreformsbranch@gmail.com.
- Only Indigenous Inhabitants of the Nagaland State can apply for the above posts as per the P & AR Department Notification No. AR-8/76 dated 28/04/1977.

Sd/- JALAM, IAS

Chief Secretary to the Government of Nagaland.

Issued by DIPR



TIR YIMYIM YIMOBILEM (EDITORIAL)

DIMAPUR SANGTENNÜ, MONGPUTENI(OCTOBER) 05, 2021

Tensai asenok nisung azüoker

Alima nung asenok meimchirtem ya lia lia asenoki tensa mapang azüoker masü saka tensa mapangiang asenok azüoktsüsa mapang ka agi menepdaksüogo. Aji oda, joko asenok mulungba nung asenok oli arulia mesenzüteter aser lokti sentonga magitetter. Iba kasaji libaliro aser achiajem yimyatema asenoki mulungba nung masü saka tensa mapangi mulungba sülen anidaker. Iba amaji ka mesüra asenok tensa mapang den mapet akümtsü aser asensasa asen taküm aser kibong timtemi aitsü. Covid tashidak wara marudangbo, shibai tenla ki dena shibangtsüa ta bilem? Shibaibo asüpila sentep dena melitetsü ta bilem? Shibaibo küm junga bendangleni mao pei kidang dang amongja ta bilem? Shibaibo tashidak mena tsübuba agi salem dena mesüeteta ta bilem? Itemji tamangmangtsüka amato saka tang asenoki asangsang nung ajurur. Ibaji mesüka, shibaibo gari totsü litre nung sen noklang dak tali atuja ta bilem? Shibaibo linük numg senso shia nem pei nungdak mapa shitak inyaksüsa Aadhar number ka agütsütsü ta bilem? Item tatalokbatem ya kodang bilemdangdir, asen tenük agi manguba tashi kati asenok meimchirtem ya azüoker ta angatetsü. Aji oda, joko gari nung dang senzünüyonga jenjang tasak kümogo aser nisung ka tenüng nung mapa tapu aika inyaknyonga, masübabo meinyaktetsüsa Aadhar number agi nokdang. Aji oda, kodang asenoki item tatalokbatem ya tajungtsütsü repranga angatetsü merangdir, atangji alima nung meimchirtem onsara tali morumoru aser asüküma akümba agi, itemji nokdangtsü asoshi Tsungremi inyakba mapatema ta asenoki angatetsü. Meimchir tenük süng dak maka, anungji alima tsüka akümba agi lasasa mi adoka rongdoktsüsa industry-tem nung amang sangwa methitemi mapa inyakba aser gari tapu balala alima sünga tanen makai jajaba agi joko anüng tom nung mokozü agi südang, tanü lanurtemibo anüng nung ita petinu adokba mengudangtsüsa kuma ooya aliba mapang ka nung, industry-tem mapa inyakba aser gari jajaba ajak anendaktsüba tashi aser tensa ya tesüngmangtsüka lir. Iba denji ano, gari jajaba soitba den külemi gari totzü nung sen jenjang atuba agi asenoka gari nung dang senzünüyonga, senotsü bilemba agi, aikati len tatsüka atemabo tetsüng agidang senzütsüsa tensa mapangi azüokdagi. Asenoki asensasa asen temang anema alitsüba indang ya süoki ia mebilemba agi, temo aser tanang aketba chiyongtsü talubosa achitsü aser tetsüng agibo mera kata maotsü, ta asen tsüng agi asen temang makok kümer mangmanga laor aser aji mojing nem tongloksür. Asenokbo mojingji ken yutsüdi aser gari totsü nung sen atuba ya asen temang anema alitsü asoshi mapang tajung ka aruogo ta bilemdi aser gari nung senzütsü melen akok tashi tetsüng agi senzüdi aser tanishi ashirbo amerlongtsü (bicycle) nunga senzüdi. Iba jagi sen dang masü saka asen taküm kümzüksü. Asen taküm ya asen tetsüng agi asen temang koka jajetet tashidang anema alitsü, ajiserbo asensasa asen arishi anogo züngdanga kazütsüba dang asütsü. Ano, asen mulungba nung masü saka alima putu tensa mapang nem asenok anidaktsüba mapa kaji, Adhaar number amshiba ya ka asütsü. Aadhar maru tashibo asenok rongnung nisung ka agi ana asem kümer ita sen, pension sen aser subsidy tapu balala agizüka agiogo. Ano, yimten nunga nisung kasa saka constituency ana asem nung electoral roll nung tenüng liasü. Ajisüaka, tangbo Adhaar number amshiba agi nisung kati ana asem kümer tim masüba nung tajangzük magitetter. Ibaji tanü tensa mapangi kangshia asenok ochishir kümduktsüba mapa ka asütsü. Aji oda, asenoki merükmeju mesünüaka tensa mapangi merükmejudaktsür, nungdak makaba nung senzünüaka mesenzüdaktsür, tetsüng agi mesenzünüyonga senzütsüsa kümduktsür aser tiyazü agi sen agizüka aginüyonga magizüktetter. Iba putu yabo kanga tajung, kechiyong nisungtemi mashimashi linüaka tensa mapangi jungjunga lidaktsür, ochimashi mapatem inyaknyonga tensa mapangi meinyakdaktsür, anungji tensa den apet shitak alirbo, alima nung jangratema lir külenang, kotakia otetsüba tensa mapangji tanü putu lir.

OLEMSABANG

Tanü lokti temelenshi bener aruba nung pei-lokti jenjang reprangdangba
(Introspection in bringing about a social change today)

- S. Temjen Imchen, Jorhat, Assam

(Yashi adok nungi...)

ii. Ner lokti nung angati agütsüba (volunteer in your community)

Arogo aser lokti nung shisatokden akaba aser telemtetba tajung agiba metsüji asen jakdang tenük kuli lir. Asen Dimapur yimtiba nung alir Aortemi temeim mapa aiben inyakba ngua arudagi. Iba nungji, asen Nagaland state nung lokti aser arogo balalai - talisa Dimapur Area Ao Baptist Churches (DAABC) aser Civil Societies (CSs) ajanga covid wara tongpang koktetsü mechinung tenla sen, chiyungtsu teperi renemer frontline workers tem nem Dimapur yimtiba tesem balala nung lockdown 02 mapang nung inyakdagi. Tesüba küm lockdown 01 nunga item lokti yagi kanga junga teyari mapa inyakogo. Iba temeim aser teyari mapa Arogo mission board ajanga inyakba dangji 'langpang nungi sayutsungiba ji mapa kuma inyakba' rongnung ka lir ta shiteter.

Angati oagi mulungsoa nungdakbapur nem teyari agütsüba Yisui sayuba nung mapa kuma inyakba mapa ka asütsü. Ibaji kotak lenmang!

iii. Menürem jakden!

Menüremba jakden (smiling face!) ya meimchir yimya tajung rongnung ka lir! Iba ya nai mashi mapang ka nung inyaktet, idangji tangar dang meteti temeim mapa sayutetba atar. Na aliba anasa ner kiyong dang, kiji-kina nung timtimba pur, covid-19 wara i shiranger ka, shirang tapu kati shirangbapur, matamapensar, mesüra makamaitba pur dang teyarisa magutsuteta kasa, oda nai parnok sui-supong dang kodang parnok ajurudir menurema jembibajia tuluka! Nisung ka kodang pela-a lidir, idangji la/pa anema alitsü (ta research ka ajanga ashir)!

iv. Sarasadem tashi

Lokti nung temelenshi bener aruba nung na aser kü tamang sarasadem aser rongsen agi yaritet. Meimchir telok aser lokti nung kodangsa timtim-toushi - tat.agi, covid-19 wara, ajurudir asenoki mezungbuba nung timtimba pur asoshi asen Khristan tamang agi sarasademtsur! Anitet 32: 11-14 nung asenoki Mosai sarasademba angur. Israel kin madak mezungpur Tsungrem ainkar aser putir Tsungremer mulungjanga melenshitsu sarasadem asu aser Mosai mepiba Tsungremi anga. Yihusua-ia pai sarasademba nung, anu meludaktsui noktakang ni ta sarasadem (Yih.10:12-13). Tetsur ka tamang indang ano lai-o nung shia angur. Hannah-i tanur ka meshia Tsungrem dang mepi aser angu (I Sam. 27), maneni lai-o nung tatishitsu anosa zülua angutsü.

v. Rongsen teyari

Sarasadem den külemi, ano tamang tenla rongsen ajanga na aser ni agütsütsü tanü pesaprongba tensa nung lenmang jenti nung angur. Sorkar-i madoksai inyakra, mesüra ochimeshia inyaka nebur nem sen aser rongsen agi Govt aganecy ajanga meinyakra, idangji asen lokti nung taka-taiteri rongsen agi sensaker, alaashia alirtem, shirangbapur aser parnok kibongtem yaritet. Ne rongsen tenla ji Re. 1-Rs.10, Rs.100-Rs.1000, mesüra lakh menden nung aser timba-a agütsütsü akok. Iba tenla sen amount ji kwi südir süang iba jagi, shiranger ka mesüra timtibapur ka yaritet. Ibaji Tsungremer tenyaba mapa inyaker ka asutsu.

O-Tempang:

Lokti nung temelenshi ka bener arutsü atema kija, kibong aser lokti balala aser arogo temi temeim aser teyari mapa inyakba ajanga adoker. Tanü covid-01 aser covid-02 wara ajanga alima nung alir ajak dangi timtim-toushi aser tasuba jenti bener arutsüogo. Iba wara ya alima Tongpang tasembuba (world war III) amai lir! Ibaji shitak, kechiyong iba wara tesashi yagi alima rangpen nung kija, kibong, sorkar, aser lokti ajak menüpadok, ibayongji meimchiri taneptsü bushiteper! Iba pesaporong tensa aser mapang nungji iba wara tesashiji tetsübdang metsübui, meimchir lokti ajonga nung teyimlatep, telongjem aser temeim mapa agi inyaksüla aser ibaji dang lenmang. Iba lenmang ngutetsü atema, sorkar den yaritepa ano social media sabang balala, lokti nung sabang kwinaka lir, aser Khristar arogo ajanga lenmangji sayudagi. Ibaji asenok ajak asoshi tepelatsu osang! Anosa, item teyari aser temeim sayuba mapatem ajanga asenoki asen lokti nung taneptsü aser temelenshi ka bener arutet!

NISUNG AWABA PUTU

- Satem Jamir Mokokchung

Onok lanuwa Tsürapuri yammai sa ashi süngdong awaba pa küm kobika water aser patakaji tajungba kuma intsü akümer aser iba intsü süngjibo ajak dang tajungba tashi taitba, saka nisung awabo tatongotak maka akumer tasasa ashi, kum ishika tejaklen nungmozui chiseta jemset aser temyatem, sung awa amaji awartemir, tenla kidang yamala indang, ashi nungchiseta jemseta aser te,tsurapur mena lirjitashi majung ano takar tular tua menalirji da parnok karibo pilemtsü, onok alang awar, onok semchir tashi chishia rongsen rezungdenba yualir ji kechi ta pelemtsü. Anungji lai nung ashi ama shiba tenarung aten pai angang ta ashi ama peisasa angatetsüba dang. Reprangang ano paidoktsü mokokba temtem kaji mobile malibo kipong miletsü mapang ka ahi dangogo, iba den tanur kum 2 nunji mobile amshidaktsübaden skol nung online class agirji kidang tanur asem ali nungji mobileji ataa alitsütsusa akumer, ajak takar masuji, kar bo temtemer. Ano reprangaliang küm ishika tsüngda nung asen lima ya yimdong nung ya asen semchirtem ya nükpoker aki sünga nungzüteptsü tetzüangalang onok skol anasa alir asunung tanur class 1 nung azünger tanur kinü ajak tenük aina kaoker aruba anungu dang tarutsü nukla item ya koda alitsü ta temulung shirangasa repanger. Ano tamasa okila nung ashi ama tanur awaba kuliji tsürapuri tanur dang konda 24 lesson pushiang ta ashir, saka ki mapa sorjoktsü bo mesayur tanur tem ya konda tasazük dang lesson pushiyonga takoktsüpuri bo akoker anungji mapang angurdang bo mobile dang nemshia makazüdaktsü ki mapa sayutsü ajung shir. Nai lesson pushiang sür room nung menoktsü bajir parnok kechi inyaker nai memetsü. Tazung Konem 6:7 nung ashiba ji nai ner chirnur tang ninekda sayüang ta zülua alibaji lesson sayütsü ashi ta tanu lanuputui angatetsüdi. Saka tesasatsü kaküt züluribo nupur libaliruji ngua melenshidaktsünua temulungshirang a zülur saka lanur aikati paper mazunger anungji tzürong nung ken tendokba dang saka tezümadanger kechiyong karibosa tajangzük angutsü yimla zülur.

Asenbo ojangar putu 21 chir asen semchirtem ya kongi aor aser kong tempangtsü ta pilem ten, asen chirtem kada yisu maka ya angudang memeteti aonung amoa maer yepten nung nütsü ayimer saka ni amanger sen sür angga parnok temulung meyeptsü.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Pakistan nung Arogoi tasüba temerenshi anema sentong agi



October 03, 2021 nü Pakistan kübok Lahore nung aliba Savior Arogo nung Khristantemi tasüba temerenshi obendang ngur alirtem indang jilushi ka aidang tangokba noksa nung angur.

October 04, 2021: Küm shia October 10 nü World Day Against the Death Penalty anogomong amonger aser iba dak sendakba nung October 3, 2021 nü Pakistan kübok Lahore nung Saviour Arogoia tasüba temerenshi obendang ngua alir kibongtem timtem indang metetdakja jilushi sentong ka agiogo.

October 3 nü Justice Project Pakistan (JPP)-i "This Is (Not) A Game" ta ser campaign ka tenzük aser ibaji taküm omen "Women and Death Penalty: Invisible Realities" den sendaktepa lir. JPP nung communication officer, Laiba Zainab-i, "Iba

campaign ajanga teburtem yimli nung tetsürtemi timtem balala ajangshiba indang sayar," ta metetdaksü.

Iba campaign kübok lenmang nung jilushi, radio shows, social media aser digital game ka ajanga awareness agütsütsü aser October 15 nü Karachi nung aliba Central Jail for Women nung sentong ka agia iba campaign tembangtsü.

Tang Pakistan nung tasüba temerenshi obendang ngua alir nisung 4,000 jungnüa tepuokdak lir aser nisung meyirjang aika tasüba temerenshi obendang atadar. Pakistan nung tetsür kati la

kinüngbu tasüba temerenshi nungi kümzüksü atema linük nung legal teyari bushiba aser telemtetba tasak aika agütsüsa akümba nung ajemdaker iba campaign agir. Lai legal fees agütsütsü atema lar tanurtem shisaliok atema sen magütsüteter aser lar chirnurtem kümzüksü atema tangaleni anir aotsü asü, ta telemtetba agütsüsa akümer.

Iba campaign dak sendakba nung JPP-i Azad Theatre den senteper jilushi ka adokogo aser iba jilushiji lokti aliba tesemtem, shisaliok rejutem aser Multan, Faisalabad aser Karachi yimitem nung aliba jail tem nung sayatsü.

Himachal Pradesh nung pastor ka den Khristan ana apu

Shimla, October 04, 2021 (Agencies): September ita tatembanglen Himachal Pradesh kübok Lalas yimdak Pentecostal pastor ka den Khristan ana puogo, ta International Christian Concern (ICC)-i metetdaksü.

Lalas yimdak Laishiba aser phamplets lemsüba mapang nung Hindu yimsü alia amanger telok ka arua Pastor John den Khristan ana dang Laishiba aser phamplets alemba anenang, ta tuyua liasü. Iba sülen Hindu nunger jagi Pastor den Khristan ana jagi Hindu nunger sen agi mesüzüka Khristan yimsü dangi meyipdaksür, ta tai tongloktsü.

Pastor John-i, "Ni aibelena

mali. Ni Laishiba dang lema agütsür aser osangtajung agizükertem nem ang ni Laishiba angati lema agütsür. Nisung karibo osangtajung magizük saka ni parnok mesüzüktsü memerang," ta metetdaksü.

Pastor-isa, "Ni police nema-a Laishiba agütsütsü melunga lir, kechiyong iba ya Tsüngrem O. Onoki nisungtem den Khrista osangtajung lemsateper aser Yisu indang lemsateper, ajisüaka onoki Khrista agizükang ta shinga merongshir. Ni anema tai tongloktsübaji khenyongi tai. Khristan yimsü agizüktsü atema ni shinga nem-a sen lema magütsür," ta metetdaksü.

Himachal Pradesh densema anti conversion ozüng aliba state tem nung Hindu yimsü alia amangertemi iba ozüng kübok Khristantem nem tai tongloktsüba kanga bulua atalokdar.

Item ozüng kübok Khristan lenirtem aser sayutsüngirtem aika puogo.

2020 küm India linük nung religious freedom jenjang ano tamajungba küma liasü, ibayongji United States Commission on International Religious Freedom (USCIRF)-ibo India linük ya Country of Particular Concern (CPC) nung züngoktsü atema US state Department matsüngdang benoka liasü.



2nd-3rd October 2021, Aoyimkum Baptist Arogo Senior Citizens asüngsashi sentong Omen: "Tebur junga litetba teintet taküm" 1Sam 12:1-5 nung ajemdaker Women Ministry-i sponsor sua resource person Mrs. Temsula Lemtur, Mezüng Nagatsür Ola Missionary at Large den counselor Mrs. Achila Walu, Kilemla aser Aienla parnok ajanga teintet rogotem temoatsü tulu ngudaktsüba tepela lemsateper. Tsüngremi parnok wadang tali moajangma.

ANOGO ABEN TSÜNGREM DEN

Tsüngremer taochi amshiba

Nisung shiai sempet agizükba ama, aji agi Tsüngrem taochi jenti meyong ketdangpurtem tajung ama, nenok medemer o medemer na yaritepang. 1 Peter 4:10

Tatembangji koda arutsü Peteri lemsatepba liasü. Khrista tabensa taküm ali, aser ajak asoshi asü. Shirnoki osangtajungji angashia lir parnok taküm junga aser temenen memenai alitsüba dang masü saka Khrista tanaben arudang tatem bendangba nungi kümzüksü. Tang pai tamanger taküm koda junga alitsü iba indang ashir. Mapa ajak Khrista ajanga Tsüngrem sentsüwangshidaktsütsü asoshi kari o jembira, pai Tsüngrem otem ama jembiang, kari tenzükra Tsüngremi agütsüba tashi ama inyakang. Idangji pai sempettem agizükba indang jembia. Pauli aiben tanela sempettem indang jembia (Rom 12, 1 Kor. 12), aser shibai Khrista agizüka lir pai pei agizükba sempetji jangjaa amshitsü ashi.

Tanü asenoka Khristan ka ama, Tsüngrem sempet balaka agizüka lir. Kodang asenoki temenen nangzüka amangdir idangjisa Tanela Temeshi dang agizüker masü, saka Tsüngrem sempet temeja agizüker. Asenok nisung shia balala ama Tsüngremi nisung shia nem sempet balala temeja yangluja kar. Asenoki kati ka tenzüktsüla. Khristan taküm nung ibaji taküm lidaktsüba teraji lir. Tangar nungdak nung yaritsüba, tamanger aser mamanger ajak. Kodang asenoki iba sempet Tsüngremi bilemba ama amshidir, asenok ketdangsür tajung ka ama kuli sayur, Tsüngrem taochi tangar dang sayuba jagi Pa taochi amshir tajung ka ta sayur. Asenoki tangar tenzükba nung iba taochi anogo shia amshitsüla.

Tsüngrem, kü nem sempet agütsüba asoshi Ne tenüng asanger. Ni iba sempet shisa kaa amshitsü yariang. Amen.

Caritas Pakistan-i Cyclone Shaheen nungi angopurtem kümzük

Lahore, October 04 Küm shia onoki tzungluruwa (Agencies): Pakistan nung mongpu tenzüktsü mapang Cyclone Shaheen mapang kümzükba maparen inyaktüsü Khristan tentet-Caritas Pakistan aser emergency teyari Karachi (CPK) kübok disaster agütsütsü atema refresher management committee training agüja arur, aser ibaji (DMC)-i rong ka amshia tzüyim ajanga lendong mapang nisung nung angopurtem kümzüka liasü. aika kümzükter," ta metetdaksü.

October 1 nü DMC nung Cyclone Shaheen ya züngsem, Ishaq Abbas leniba Arabian Sea nung tenteta liasü, nung Somar Goth tzüyimkümlen aser iba yipru ajanga angopurtem rong ka nungi tzüyimkümlen tzunglu sashia kümzüka liasü. aruba den külemi yipru sashia ait. Iba yipru ajanga kiojen jenti raksatsüogo.

Osangbener den jembidang pai, "Rong golji raksar liasü aser tzüsem tulu den mopung sashia aonba ajanga rong jagi tzüküm tonga marutet. Iba tesem nung alirtemji kanga shisabulua liasü. Ozü lanurtemi rong ka ajanga angopurtemji kümzük," ta metetdaksü.

CPK emergency response team-i DMC züngsemtem dang tzüyimkümlen aliba yim ana nung alirtem dang iba yipru indang tekümdangtsü osang metetdakjang, ta tuyua liasü.

CPK executive secretary, Mansha Noor-i, "Parnok dang kibongtem aser rongtem kümzüka ayutsü tuyua liasü. Yamaji angopurtem aikati pei rong tzükümleni anir arua liasü. September 30, 2021 nü Sindh province nung shisaliok reju ajak shibangdakja liasü aser October 1 nü Karachi nung administration-i sodi anogo sangdonga liasü. Fishermen Cooperative Society-i ashiba agi, taoba hopta iba yipru ajanga angopurtem rong 70 shi samaogo aser nisung 16 yirua liasü. Gwadar & Pasni, Balochistan province nunga tzüküm nung yua aliba angopurtem rong 30 raksa. Taoba hopta Karachi commissioner, Naveed Shaikh-i sensotem dang October 5 tashi tzüyimleni maotsü sangdonga liasü.


OLONG PAITEP # 5955

1		2			3		4			5
				6		7				
8										
						9				
			10							
11										12
					13			14		
15										
16								17		

TIPILEN		LANGTSÜNGLEN	
1. Nüji masü - (4)		1. Jila tulu - (5)	
3. Techinütsüka - (6)		2. Sarasademdang tembang - (4)	
7. Aketa shirangba - (5)		4. Tarutsü indang ashirtem - (6)	
8. Pi - (6)		5. Alia - (5)	
9. Amena - (5)		6. Mojing - (5)	
10. Kinü - (5)		9. Tai inyakba metet - (5)	
11. Tanang masü - (5)		10. Medemer chijiba - (6)	
13. Lenmang - (6)		11. Tatokba / Amadok - (5)	
15. Nübo tedi - (5)		12. Anügdang masü - (5)	
16. Tuoshi - (6)		14. Jabaso masü - (4)	
17. Shiruru apuba temenatsü - (4)			

OLONG PAITEP # 5956 TELANGZÜBA

TIPILEN :		LANGTSÜNGLEN :	
1. Tesangra, 5. Mungo, 7. Kisen,		1. Temesen, 2. Raksa, 3. Aon, 4. Aso,	
8. Salem, 12. Semki, 14. Kilem,		6. Nile, 9. Alizüng, 10. Omen,	
15. Kensü, 16. Sangpang.		11. Lemta, 13. Ola, 14. Kin.	



TANGA TASHITAK AGI ASÜR-A DENA COVID AGI ASÜBA KÜMOGO :

Gaon Bura : Ohoooi...Adianu Alok...ato ner kinunger ka COVID-19 agi asü ato naa...???

Alokba : Hai Gaon Bura-ba... Na aji kong nungi angazük...??? Ne dang shibai ashi...??? Ozü kinunger shinga COVID-19 agi shiranga masü...Blood Pressure Stroke sür asüba sernung Doctor-i centre sorkar dang sanction meshitsü meji nung tiyazü agi COVID-19 agi asü-a ta kümdaktsüba dang Na yimsusur yimtsü-yimpo ka ser jungjunga mejangjai tapi-tapi agi o mashi-mashi-i tejembi nooo.

Gaon Bura : Oooooaaa...!!! Surabangla ojang adi...Ni ya sorkar-i COVID agi asür ajunga nem Rs.50,000/- teyari agütsür...ta asü agi asen yimer shirsa COVID agi asü'ar itemji tenüng züludena senzür-ba aja ya.

Alokba : Waaaaoooo...!!! Ni ya joko temulungjang ya tasü kümadoker aja...Ni amaa-doker aibelena ashir dang ashi...ato ozü kinunger-sang to COVID-19 -a menar liasü aja. Doctor-temi ashibajia tai-bosa masü ako...COVID-19 menar lia ajongbena Blood Pressure Stroke sur asü adi...Anungji ozü-a mezütoki tenungji züluokang nii.... Nenok ama yimsusur yimtsü-yimbo-i meimtsüba dang ako.

Gaon Bura : Eeeesssh...Tamalen-bo COVID agi asür ajaki COVID agi asü-a ta mesunu...Saka ano tangbo tanga tashitak agi asür ajunga COVID agi asü-a ta sunur tesa aküm...!!! Ayyee... Ozü Naga nunger ya sen ta sura jakdaka tiyazü jembitsüa maaker aja...!!!

- Lilir : L.Kika Pongener.

TANÜBO NAI LANGZÜANG

Q. Linük koba nung Cryptocurrency nokdangar?
 A.China B.India C.United States D.Russia

===== (Taruba adok nung onoki langzüsü) =====

YASHI ADOK TELANGZÜBA : China

AO OSHI ANGAZÜKDAK:
TANÜ ANGAZÜKTSÜBA OJANG

Lamen
 (adj) an entsü akotsü mapang (young hen before laying eggs)
 * Ozü lu nung an **lamen** ter lir.

Langbang
 (n) süng tulu agi chitetba yipden (bed)
 * Akhi tsüraburtembo **langbang** nung dang mejanga aru.



Happy Birthday

TENÜNG : JUZEN M IMCHEN
 Tasoba Anogo : 05-10-2018
 Küm : 3
 Talidak : 4th mile Diphupar, Dimapur

Tsüngremer tesüngmangtsü taochi ajanga semchir Juzen Imchen arishi küm asem tashi moatsü nung Teyanglur Tsüngrem nem tenüngsang agütsür, ano maneni Tsüngremer tazüokba kübok areshi talang moajang ta sarasademtsür.
 HAPPY BIRTHDAY Juzen Imchen.
 - Azuh, Abanuzaba, Adi, Aya & Aba



TENÜNG : SENTIAKUM AIER
 Tasoba Anogo : October 05
 Küm : 4
 Talidak : Lower Jail Colony, Kohima

Temeim Jabaso Kumkum küm 4 tashi arishi moaja len anir aru nung Tsüngrem tenüng asanger. Ano maneni Pai na arishi talang den Pa metetba nung aintsü yariangni ta sarasademtsür.
 - Temeim Oja, Oba, Ati Arenshi. Otsü, Obou & Kinungertem.



SUDOKU # 5998					TELANGZUBA # 5997														
	8		1	7	5		3	4		6	1	2	9	5	7	8	3	4	
				4	6	8		9			9	8	4	6	3	1	2	5	7
5			3				7	8	1		7	5	3	4	2	8	6	9	1
8	7		5		3	1	2				1	2	6	7	9	3	5	4	8
		4					5				8	9	7	5	6	4	3	1	2
		5			6	4	7	9			3	4	5	8	1	2	9	7	6
	6			5	1						2	7	8	3	4	5	1	6	9
	9	7	6			3	1	5			5	6	1	2	7	9	4	8	3
					9	2		8			4	3	9	1	8	6	7	2	5

OJANG LUTEP # 5543

EKHN :

UNJG :

NGJUA :

NGMISAESHDAI :

IKENYAR :

ANASÜDG :

ETTI :

TEMAA :

TKSERAA :

OKEADR :

OJANG LUTEP TELANGZÜBA # 5542
 KANGA DANG YONGYASETA ATADANG SAKA MATALOKBA
 AJANGA TEZÜTANGER TEIMLA SAMADOK

TAN HOPTA ATEMA - KOMA SÜLA ?

Q. Nagaland nung yimtsüngtem kübok aliba ali kimongtem ya bank nung talang yutsür (mortgage) sen aputettsüsa ozüng tasen ka yanglu nunga koma süla ?

India-Lanka tsüngda tesendaktep junga ayutsü tongtibang: Shringla



October 04, 2021 nü Colombo nung India Foreign Secretary, Harsh Vardhan Shringla-i Sri Lanka Ato kilonser, Mahinda Rajapaksa den senden amendang tangokba noksa nung angur.

Colombo, October 04 (Agencies): Hombarnü India Foreign Secretary, Harsh Vardhan Shringla-i, kidanger tsüngda tesendaktep tajung ayuba nung ajemdaker India aser Sri Lanka nati rongsenkettsüng tsütsü tesendaktep tajungba akümtsü aser ibaji ajanga linük anaprong tajangzük angutsü atema linük anapronglai inyaktsüla, ta ashi. Colombo nung Sri Lanka Ato kilonser ki- Three Temples nung Indian Development Cooperation Projects tenzüksüba sentong nung jembidang Shringla-i iba o ya jembia liasü. Foreign Secretary-i anogo pezünü Sri Lanka semdanga

Amongnü Colombo tonga oa liasü. Paisa Sri Lanka nung raliwalirtem atema facilities terenlok aser Ramayana circuit dak sendakba temeshi tesemtem terenlok atema India sorkari yaritsü, ta metetdaksü. Shringla-i, "Ni iba menden nung liabo tang mezüng ni Sri Lanka semdang, ajisüaka taoba mapangtem nunga ni Sri Lanka aiben semdangogo. Tesüiba kümtem nung linük ana tesendaktep melenshibaji ni kuli süa nguogo," ta metetdaksü. Paisa, 2019 küm November ita nung Tir Gotabaya Rajapaksa-i India semdangba aser 2020 küm February ita nung Ato kilonser, Mahinda Rajapaksa-i India semdangba

ajanga linük ana tesendaktep ano tajungba kümogo, ta metetdaksü. "2020 küm September ita nung Ato kilonser Narendra Modi aser Ato kilonser Mahinda Rajapaksa na video conferencing ajanga senden amenba ajanga defence & security, health, tourism, trade & commerce aser nüburtsem tsüngda tesendaktep tsütsü jenjang tajungba akümtsü atema lenmang lapoktsüogo," ta Foreign Secretary-i ashi. 2009 küm Sri Lanka sorkari Liberation Tigers of Tamil Eelam (LTTE) tongti, Velupillai Prabhakaran tepsetba ajanga linük nung civil war anendaksüteta liasü.

India nunger tain nütsüng shilem 70-i vaccine agiogo: Mandaviya

New Delhi, Mongputeni/October 04 (Agencies): Hombarnü Union Health Minister, Mansukh Mandaviya-i, India nunger tain nütsüng shilem 70-ibo coronavirus vaccine mezüngbuba dose agiogo, ta metetdaksü. India nung tain nütsüng shilem 25-i vaccine dose anaprongla agiogo, ta paisa metetdaksü. Mandaviya-i twitter ajanga, "Tashitait linük, Rapid Vaccination: India-i tain nütsüng shilem 70 nem #COVID19 vaccine mezüngbuba dose agütsüogo. PM @NarendraModiji leniba kübok India-i iba wara anema raraba nung alizüng tasen tongteter.

Maneni inyakdi India, asenoki Corona anema raradi," ta metetdaksü. Hombar tashi nung India nung coronavirus vaccine dose crore 91 dak tema agütsüogo aser tang states aser union territories ket nung dose crore 5.67 anünga lir. September ita nung linük nung anogo shia vaccine dose lakh 79.08 shi agüja liasü. Ano külen India nung tainlonglongpurtem (12-18) atema mezüngbuba vaccine Zydus Cadila indang ZyCoV-D vaccine October ita nungi agütsü tenzüksü. October ita nungi Zydus Cadila-i ita shia vaccine dose million 10 yanglutsü.



October 04, 2021 nü Lakhimpur Kheri nung BKU lenir, Rakesh Tikait-i osangbenertem den jembiba noksa nung angur. Kasa noksa nung Uttar Pradesh ADG (Law and Order) Prashant Kumar aser ACS, Devesh Chaturvedi nata angur.

Aluyimba ozüng soita lir, süra kechiba aluyimertemi longkak aiter: SC

New Delhi, October 04 (Agencies): Aluyimba dak sendakba ozüng tasen asem soita lir, ajisüaka kechiba aluyimertemi maneni longkak aiter, ta Hombarnü Supreme Court-i asüngdang. "Ozüng benoktsüsa kecha mali. Kechiba aluyimertemi longkak aiter? Court dak alaka shingai aluyimba ozüngtemji metentsütsü makok," ta SC-i metetdaksü. "Aluyimertemi iba ken o ya court nung benoka lir, süra kechiba parnoki lenmang nung longkak aiter," ta SC-i asüngdang. Court nung ken o benoka lir aser lenmang nunga longkak aiter; anapronglaji kodanga

külemi moutettsü, ta parnokisa metetdaksü. Aluyimertemi Jantar Mantar nung longkak aittsü temelaba meshiba ken o angadanga mapang nung court-i, longkak aittsü medena ali asü maliar parnoki asadangsü, ta ashi. "Kodang nija ka mesüra lokti kati ozüng ka anema court nung ken o benokdir iba sülenji parnoki kasa ken o atema lenmang nung longkak aittsü tim asü," ta SC-i metetdaksü. "Tang aluyimba ozüng asemji benoka mali aser Centre-ia item ozüngji mebenoki atatsü lemtetogo," ta Justice A M Khanwilkar-i aniba SC bench-i metetdaksü. Hokolbarnüa Supreme

Court-i aluyimertemi Delhi-i aoba tongtibang lenmangtem mokdang longkak aitba atema aluyimertem merenshia liasü. SC-i, aluyimertemi nisungtem senzüsempogba nokdangba dang masü saka sepaitem senzüsempogba-a nokdangogo, ta ashi. Kisan Mahapanchayat-i SC dang Delhi telungi ia Jantar Mantar nung longkak aittsü mepishiba ken o angadanga mapang nung SC-i, "Nenoki highways nung mener longkak aitba ajanga Delhi-i aoertem nokdangba dang masü saka sepaitema nokdang. Tangbo nenoki yimti telungia ia timtem agütsüner asü?" ta asüngdanga liasü.

Aluyimertemi Union Minister aser par jabaso na anema ken o benok

Lakhimpur Kheri, October 04 (Agencies): Amongnü Uttar Pradesh kübok Lakhimpur Kheri nung aluyimertem longkak aitba mapang rara adoka nisung ti asüba dak sendakba nung aluyimertemi Union Minister of State for Home, Ajay Mishra Teni aser pa jabaso, Ashish Mishra Teni na anema ken o benokogo. Lakhimpur Kheri nung aluyimertem longkak aitdang rara adok aser iba rara nungji aluyimertem aser BJP nung inyakertem densema nisung 8 asü. Uttar Pradesh Deputy Chief Minister Keshav Prasad Maurya-i aluyimertem longkak aitba tesem semdangba nungi rara tenzüka liasü. Osang angazükba agi, kari aluyimertem dak azükba sülen aluyimertemi tejjashi nung SUVs gari ana rongdokja liasü. Hombarnep Congress general secretary, Priyanka Gandhi Vadra den party lenirtem Lakhimpur arrtsülen tonga ao, ajisüaka ketdangsertemi takoksa anguba kibongtem semdangsü atema parnok nem temelaba magütsü. Priyanka Gandhi den party lenir Deepender Singh Hooda-a liasü. Osangbenertem den jembidang Singh-i, "Onok Lakhimpur Kheri arrtsülen lir. Police-i onok telungi maitdaksür. Iba rara nung takoksa angurtem ajurutsü atema onok aru," ta metetdaksü.

Priyanka Gandhi dang masü saka Chhattisgarh Chief Minister, Bhupesh Baghel aser Punjab Deputy Chief Minister, Sukhjinder Singh Randhawa nungera Lucknow telungi maitdaksü. Samajwadi Party lenir, Akhilesh Yadav-ia Lakhimpur Khedi semdangsü sentong liasü saka pa 'house arrest' asü. Hombarnü Tikunia nung aluyimertemi Union Minister of State for Home, Ajay Mishra Teni aser pa jabaso, Ashish Mishra Teni na anema FIR ka benokogo. Tensa tamajungba nokdangsü atema iba district nung mobile internet services shibangtsüogo aser nisung pezü dak tali adenshitsu memelar. Punjab Chief Minister Charanjit Singh Channi-i iba tatalokba aitsüba den külemi Uttar Pradesh Chief Minister, Yogi Adityanath dang aibelenertem tekaraba nung aputsüla, ta takhangba agütsüogo. Maurya-i Union Minister of State for Home aser MP Ajay Kumar Mishra'er yim Banbirpur semdangba anema aluyimertem longkak aita liasü. Iba mapang nungji SUV gari anati longkak aiterem dak tsükoktsüba nung rara tenzüka. Iba rara nungji gari ana nungji mena alir nisung pezü aser aluyimer pezü asü. Aluyimertemi ashiba agi, gari ka nungbo Union minister'er jabaso mena liasü.



October 4, 2021 nü Sitapur nung Congress lenir, Priyanka Gandhi pua aliba tesem- 2nd battalion, PAC training camp kima Congress züngsemtemi BJP sorkar anema yimyim ayima longkak aitba noksa nung angur.

US scientist anati Nobel Prize in Medicine angu Milan nung tayimtsü tsükokdak Romania nunger billionaire ka asü



Stockholm, Mongputeni/Oct. 04 (Agencies): US scientist David Julius aser Ardem Patapoutian nati temperature aser kongshiba atema nerve receptors ngutetba atema Nobel Prize for Physiology mesüra Medicine takok ngutetogo.

David Julius aser Ardem Patapoutian na nem Hombarnü iba sempet ya physiology mesüra medicine wadang nung agütsü, ta Nobel Committee indang Secretary-General, Thomas Perlmann-i metetdaksü.

"Tanük Nobel Prize anguri ngutetba ajanga tatsük, temokong aser mechanical force yagi nerve impulse arakzüdakja alima den lirumedema angateta liteter," ta committee ajanga iba sempet takok angur indang

osang sangdongba mapang ashi.

"Anogoshi asenoki item ya mamshi meliteter, saka komaser nerve impulses ajanga temperature aser pressure agizükteter? Iba tasüngdangba ya taküm Nobel Prize angurtemi langzütetogo."

Nobel Committee nung züngsem, Patrik Ernfor-i ashiba agi, tenati ngutetba ajanga 'nature' indang miim ka ngutetogo.

San Francisco nung aliba University of California nung professor inyaksang Julius yagi chilly peppers nung aliba active component, capsaicin amshia nerve sensor jangjatet, koba agi tatsük nung takep agi telangzüba agütsütsü melar.

California nung aliba Scripps Research nung professor, Patapoutian yagia

mechanical stimulation nung telangzüba agütsüba cells nung 'pressure-sensitive sensors' bushiteta liasü.

"Asenok takum mesamai alitsü atema ibai kanga tongtipang lir, anungji ibai kanga tongtipang ngutetba alitsü," ta Ernfor-i ashi.

Taoba küm physiology mesüra medicine nung takok angur ya scientist asem liasü, shirnoki temesen raksatsüba Hepatitis C virus ngutet, aser iba ya ajanga tashidak tamajung nungi taneptsü ngutettsü lenmang bushiteta liasü.

Taküm iba sempet agütsütsü asoshi nübu shimba mapang coronavirus tashidak anema raratsü mozü yanglurtem tenünga amshia liasü.

Iba sempet nungya gold medal ka den Swedish nunger sen kronor million 10 (\$1.14 million) lir. Iba senpet ya senpet ngutetsang Swedish inventor Alfred Nobel-i yutsüba rongsen nungi agütsür, shiba 1895 küm asü.

Ano physics, chemistry, literature, peace aser economics nung danger dak nungi alakteta inyakteter tem nem taruba hopta senpet agütsütsü lir.

Milan nung tayimtsü tsükokdak Romania nunger billionaire ka asü



Milan, Mongputeni/Oct. 04 (Agencies): Italy north tsütsü Milan yimti tezülen ki tazüng ka nung nija meyong tayimtsü tilaka tsükoka iba tayimtsü nung mena alir par ti prong asü, ta police temi ashir.

Deobarnü Milan Indang Linate city airport nungi ayamesoba tayimtsü ya Sardinia asetkong bushia aorba liasü, ta ketdangsurtemi ashi.

Iba tayimtsü ya Romanian billionaire Dan Petrescu-i ania liasü, ta Italian media ajanga ashir.

Arishi küm 68 tain Dan Petrescu ya Romania nunger takartiba rongnung ka liasü. Pa ya ki-o-jen yangluba firm ka nung tekolakba liasü aser ano hypermarket aser mall aika kibur liasü. Pa ya ano German senso-a agir liasü, ta Corriere della Sera osangkaket ajanga ashir.

Corriere aser AGI news agency ajanga ashiba agi, Petrescu kinungtsü arishi küm 65 tain, shiba France senso liasü aser tena jabaso arishi küm 30

tain Dan Stefano nungera asü. Iba tayimtsü nungya par kibong den par tembar pezü, adianutsür ana aser apuani ka den arishi küm ka tanur ka dena liasü.

Tayimtsü ya Milan tezülen San Donato nung tsükok.

Tayimtsü ya storey ana atongtepa aliba ki nung oa atsükba mapang ola tulu adoka apokba yangji alirtemi angashi. Iba ki ya yanglushitsü atema azüngteter liasü.

Anüngleni milak aser mokozü atu aser anasa lenmang nung gari kar anena alidak mi jangru, saka yangji alirtem asüba meliasü, ta ashi.

Iba tayimtsü ya PC-12 single-engine executive plane ka liasü, ta national air safety agency ajanga osangbener dang ashi.

Tayimtsü ya ki tejaklen oa jiok, ta Milan fire official Carlo Cardinali-i ashi.

Tayimtsü indang black box ngutetogo aser lendong atalokba tejangja bushisüngdangba mapang lir, ta osang ajanga ashir.

Japan Ato Kilonser asütsü Fumio Kishida shimogo

Tokyo, Mongputeni/October 4 (Agencies): Japan parliament-i Hombarnü Ato Kilonser mapa abentsü atema Fumio Kishida shimogo aser lenir tasenba yagi tejenpur aser tasenpur naprongla densema cabinet ka yakta sangdongtsü imlar.

Taoba hopta Liberal Democratic Party yongtsü nung vote agütsütepba mapang Kishida-i nüngtugu vaccine chief Taro Kono koka liasü. Iba sülen Hombarnü parliament lower house nung election pai ayong ayonga akok, kong LDP indang ruling coalition züngsem timba lir. Pai vote 311 angu aser opposition lenir Yukio Edano-i vote 124 ngua liasü.

"Iba chamber yagi Mr. Fumio Kishida Ato Kilonser asütsü shimmer," ta lower house speaker Tadamori Oshima-i osang agüja liasü. Parliament upper house nunga vote agütsütepba sülen pasa shima liasü. Vote sangdongba sülen Kishida-i angme lua ozüng yanglurtem nem akhümtsübu agütsü saka iba mapang nungbo pai kecha mashi.

Vote magütsütep tsüngda pai osangbenertem dang, pai iba mapa abentsü renema lir ta ashi.

"Tetenzük tasen ka asütsü ta bilemer. Tarutsü den raratsü atema temlungtetba tulu nung ni tetsükdaksütem aser mapren



balala agizüka inyakner," ta pai ashi.

Kishida lenisüba nung sorkar meraksatsü ta amanger, shiba LDP yongtsü nung par faction-i nongtita yarir aser pai tang benoka aliba sorkar inyakyimtem nungi pilaa inyaksangshitsü masütsü imlar. Taoba Ato Kilonser Yoshihide Suga-i Hombar anepdang resignation shiti agütsüba sülen Kishida shim. Suga-i küm ka sülen PM mapa toktsüogo aser LDP lenitsü atema pai metokteptsü ta sangdong.

Kishida-i mapang tatsüka tsüngda nung cabinet tasenba sangdongtsü, saka local media

sangdong balala ajanga ashiba agi, pai tongtibang mapatem nung minister tem aika memelenshitsü. Foreign Minister Toshimitsu Motegi aser Defence Minister Nobuo Kishi napronglai tena mapa maneni abentsü, ta media sangdong ajangsa metetdaksü.

Motegi ya Harvard nung azüngba yimden yimsüsü tejen ka lir, shiba shishilembaba tsütsü tongtiba sensaksem aika pa lenisüba nung inyaksangshiogo aser kasa mapang nung Kishi ya taoba PM Shinzo Abe adianu lir.

Finance portfolio Shunichi Suzuki nem agütsütsü shibai pa

teku Taro Aso melentsü. Arishi küm 68 tain Suzuki yaa yimden yimsüsür tejen ka lir aser pa tebua taoba mapang linük Ato Kilonser liasü. Pai taoba mapang Olympic minister aser environment

Minister mapa benogo.

Osang ajangsa ashiba agi, cabinet nung tetsür asem züngoksemtsü, kong Kishida den toktepla Seiko Noda densema lir. La Japan nung birthrate tajemba akümba bendentsü atema minister in charge ka akümtsü. Maneni vaccine minister aser digital minister mapa tetsüri abentsü. Cabinet nungi züngsem aika tang mezüngbuba minister

akümtsü lir.

Wara ajanga linük rongsenketsüng raksatsür aliba mapang aser North Korea o China nati military dak sendakba nung amokmerenba mapang Kishida-i Ato Kilonser mapa agizükogo. Maneni pa lenisüba nung November ita LDP pur general election nung tokteptsü.

Hombarnü local media sangdong balala ajanga ashiba agi, Kishida-i election ya hopta ishika jelia October 31 agitsü imlar.

Ruling party aser parnok den lokteper aliba party temi election akoktsü imlar, saka sorkari coronavirus tensa junga mazüokba ajanga meden kar nungbo tamakok angutsü akok.

Kishida-i nübiyomba mapang wara dak sendakba nung jenjang aibelena agir alibatem metongshitsü sentong aliba metetdaksü, kong rongsenketsüng ajungkettsü atema jenjang agitsüba densema lir. Japan taoba küm mapang talangbaka mokdanga liasü aser taoba hopta ang tenokdangba balala agütsür aliba aginogo.

Japan nung nütsünyongtsük shilem 60 shi nem vaccine agütsüogo, saka wara tanaben poktetshira linük healthcare system-i mawajemi akümtsü ta tebilemtsü akar.

Longleng nung WQMS training agiogo



Longleng, Mongputeni/October 04, 2021: Indoor Stadium, Longleng Town nung Field Testing Kit (FTK) amshirtem atema Water Quality Monitoring & Surveillance (WQMS) nung anogo ka training agir sülen shilem agirtem külemi tangokba noksa ka yangi angur.

Longleng, Mongputeni/October 04, 2021 (TYO): Honibarnü (02.10.2021), Indoor Stadium, Longleng Town nung Field Testing Kit (FTK) amshirtem atema Water Quality Monitoring & Surveillance (WQMS) nung anogo ka training ayonga agiogo. Iba training sentong ya District Water & Sanitation Mission, PHED Longleng-i achaayanga aser Sanitation & WSSO, PHED, Nagaland ajanga senotsü teyari agüja agia liasü, ta sangdong ajanga metetdaksü.

Jal Jeevan Mission (JJM) mapatongtem atalokdaksütsü nükjidong nung yur iba training

sentong agia liasü, kong nübur tsüingda Water Quality Monitoring & Surveillance system dak sendakba nung, FTKs teyari agia tzü jenjang (qualify) tendangtsü asoshi inyakyimtem aser lokti/nübur tem dang tzü temerük ajemtsü aser ajemba tajangzük tsütsü tekümdangtsü osang talila sangoktsütsü asoshi tesayuba balala agütsüogo.

Iba training sentong nung shisalen sayur, S. Walling, chemist, PHED Longleng-i, "Safe Drinking Water to Every Household" onük nung ajemdaker jembi, kong ayong mesüra tzübo balala nung adokba tzü ajemtsü asoshi

mapang shia asadanghsitsü aser tendangtsü nüngdakba indang telok dang metetdaksü.

Tzü adokba tesem nungi water sample tem bendenba mapang tekümdangtsü meratem nung anidaksü aser FTKs ajanga tzü tendangba inyakyimtem metetta alitsü asoshi shisalen sayurtemi training agirtem dang metetdaksüogo.

Iba training nung shilem agir ajak nem FTKs aser Bacteriological vials tem lema agüja liasü. Longleng Division kübok yimtsüng 17 nungi tetsür 50 agi iba training nung denogo, ta kasa sangdong nung shia lir.

Phek nung Gram Sabha Samvad agiogo

Phek, Mongputeni/October 04, 2021 (TYO): Honibarnü (02.10.2021), linük nung tesem ajunga den liromedema, Phek nung Gandhi Jayanti aser Jal Jeevan Mission nung Gram Sabha Samvad sentong agia liasü, ta sangdong ajanga metetdaksü.

Iba Gram Sabha Samvad sentong nung, Phek block kübok yimtsüng 25 nungi Village Council Chairman tem, WATSAN aser Swachhagrahis denogo; aser iba Sabha sentong ya PHED Phek division ajanga ayongzüka liasü.

Kasa anogo Implementation Support Agency (ISA), Kalos Society, Pfutsero ajanga Sabha ayongzüka liasü, kong Pfutsero block kübok yimtsüng 33 shi ayimjema iba sentong agiogo. Phek district kübok yimtsüng 58 agi iba sentong nung shilem agia

liasü. Iba sentong nung, Sanitation & Hygiene Consultant, DWSM, Abigail Ritse menden liasü. SDO PHED Phek, Er. Imkong Jamir-i, Jal Jeevan Mission (JJM) indang nükjidong balala nung ajemdaker jembi aser pai ashiba agi, JJM mapatong kübok kilen shia nung pipeline ajanga water connection agütsütsü asoshi inyaksü.

JJM tetuyuba nung anidaka, pai nüburtem dang iba mission atema shilem 5% tenla agütsütsü ajungshio.

Paisa, ODF Plus indang nükjidong balala metetdaksü aser 'solid and liquid waste management' dak sendakba nung inyakyim aser meratem telok dang rasa ashi.

Coordinator, DWSM Phek, Kutulu Vero-i, Plastic Waste Management aser plastic

amshiba ajanga tzü mopung/libajen menentsüba den nisung temang nung timtem agütsüba indang nung jembiogo.

Plastic ajanga tzü mopung menentsüba ajemdaksütsü asoshi, lenmangtem bushitsü aser plastic amshiba nokdangtsü asoshi tasa balala atongtetta inyaksü asoshi lai nüburtem ajungshia liasü.

Maneni, iba Gram Sabha Samvad sentong nung WATSAN aser swachhagrahis atema Field Testing Kit (FTK) aser user mobile application tem amshiba yimyatem indang Chemist, DWSM, Kethonu Theyo ajanga sayua liasü. Iba sentong nung shilem agir yimtsüng chairman ajaki Single Use Plastic (SUP) nokdangtsü asoshi bangjemtepa aser tenangzüktep agiogo, ta kasa sangdong nung shia lir.



OFFICE OF THE
JAPUKONG SENSO SENDEN
H.Q. LONGCHEM, DIST. MOKOKCHUNG

PRESS RELEASE

Longchem-Naganijan lenmang yanglushitsü teyari agütsüba atema Japukong Senso Senden ajanga Aonokpu Village Council, Nokpu Village Council, Saringyim Village Council aser Longchem Ad-hoc Town Council dang pelaba metetdaksür. Iba lenmang, koba Longchem administrative block atema taküm lenmang lir, mapang talangka sorkari zütokba ajanga lenmang kanga mejungi raksar liasü. Nüburtem ajangzüksü mechi molungsoa tenla tajung agütsüba atema JSS-i Council pezüprongla dang pelaba shisemer. Maneni, Longchem-Naganijan lenmang kübok raksar aliba Liangmen apu yanglushitsü atema senotsü teyari agütsüba atema Japukong Senso Senden-isa Minister for Higher Education & Tribal Affairs Temjen Imna Along danga alakteta pelaba metetdaksür.

(IMDONGTANGBA) President
(MOATEMSU) A.Gen. Secretary

In the Court of
Principal District & Sessions Judge
Mokokchung: Nagaland
S/C NO. 184/2021

NOTICE
NOTICE INVITING CLAIMS/OBJECTIONS OF OTHER CLAIMANT(S) FOR ISSUE OF SUCCESSION CERTIFICATE UNDER PART-1 OF INDIAN SUCCESSION ACT 1925

Whereas application under Succession Act 1925 for grant of Succession Certificate for the estate/pension benefits of Late Repayuba Ao has been applied by Smti. Yimyatella W/o Lt. Repayuba Ao R/o H.No. 16 Molungkimong Village, Mkg. Nagaland for possession of:
Family pension PPO No. NL/7271, Closing of A/c.

Notice is hereby given that any person having interest in the administration of the estate/pension benefits of the said deceased may if she/he so desire appear in this court on or before the said day of 23.10.2021. Given under the hand and seal of the court on this the 23.9.2021.

Sd/-
Principal District & Sessions Judge
Mokokchung: Nagaland

Zakhama Military Station-i sentong ka ayongzük



Kohima, Mongputeni/October 03, 2021 (TYO): 'Swarnim Vijay' benjongmung shilem ama, Deobarnü (03.10.2021) Kigwema Local Ground nung Zakhama Military Station-i Pipe Band sentong ka ayongzüka liasü. 1971 Indo-Pakistan War nung Indian Armed Forces-i takok ngur küm 50 ajungba nüngtem nung 'Swarnim Vijay' benjongmung agir, ta PRO (Def) Kohima sangdong ka ajanga Lt Col Sumit K Sharma-i metetdaksü.

Iba sentong nung NCC Cadets, Loyola School, St

Joseph's College kaketshirtem aser lisopurtem aruagi dena liasü.

Army indang Pipe Band ajanga martial music saya liasü. Iba Pipe Band nung bagpipe aser asem atemer temi shilem agiba ngua tereprangertem saksalemdaksü. India nung sepaitemi linük asoshi inyaka aruba aser tongtibangsa 1971 Indo-Pakistan War mapang linük atema bendanga agütsür inyaker sepaitem dang pelaba temaitsü sayutsü nükjidong yur iba sentong agiogo, ta kasa sangdong nung shia lir.

Mizoram nung nisung 443 dak Covid-19 putet

Aizawl, October 04, 2021 (Agencies): Tesüiba ghonda 24 tsüingda Mizoram nung nisung 443 dak Covid-19 putet aser iba wara ajanga nisung ka asü.

Covid-19 wara ajanga nisung ka asüba densema Hombarnü Mizoram nung iba wara agi taküm samar nisung 320 shi kümogo. Kasa mapang State nung Covid-19 positive puteter nisung 98,175 shi tuogo.

Tashidak tasen puteter rongnung TrueNAT test ajanga nisung 8, RAT test nung nisung 428 aser FIA test ajanga nisung 7 dak iba tashidak puteta liasü. Hombarnü Mizoram State

nung positivity rate shilem 28.9% shi liasü.

Mizoram nung COVID agi shiranger nisung 944 taneptsü nguogo, ta Deobar nikongdang Department of information and public relations-i metetdaksü.

Taneptsü angur rongnung Aizawl district nungi nisung 799, Lawngtlai 50, Kolasib 48, Mamit 16, Lunglei 19, Champhai 6, Hnahtial 5 aser Saitual nungi 1 dena lir. State nung Covid-19 nungi taneptsü anguba shilem 85.27% asütsü.

Tang, Mizoram nung nisung 82,585 shi Covid-19 nungi taneptsü ngua lir. Kasa mapang, nisung 15,270 shi iba tashidak agi shirangdar.



Agra, Mongputeni/October 04, 2021: Miss India International 2021 Zoya Afroz (abilen) aser Miss Multinational Divija Gambhir (achiji) nati Agra nung Taj Mahal semdangba mapang tena külemi tangokba noksa ka yangi angur.

Vinoo Mankad Trophy: Nagaland team Knock out atema qualify süogo



Asaya nung half century yangluba asayar Neizekho Rupreo (tabelen) aser Yugandhar na tangokba noksa nung angur.

Dimapur, Mongputeni/October 4 (TYO): Mecon stadium, Ranchi nung tang tasayadak aliba Vinoo Mankad Trophy nung October 4 nü Nagaland team-i Arunachal wicket tenet agi kokogo.

Asaya nung Arunachal-i toss akok aser mezüing bat asütsü shim, ajisüaka tzüinglu aruba ajanga over 30 (each) dang asayatsü latettsü.

Mezüing batting amenba sülen Arunachal team-i over 30

nung asayar 9 out ser run 153 yanglu.

Parnok rongnungi Amarjeet Sharma-i run 49 yanglua liasü.

Nagaland bowler tem rongnungi Raja-i wicket 4 agi aser Odilemba aser Neizekho nati wicket anana agia liasü.

Asaya tanabuba shilem nung Nagaland team batting amenba mapang parnoki over 26.2 nung asayar asem out ser run 154 yanglua Arunachal team-i yanglur aliba run menep.

Nagaland team batsmen tem rongnungi Yugandhar (W)-i out mesüi run 57 yanglu aser Neizekho Rupreo-i run 51 aser Mughavi-i run 29 yanglua liasü.

Arunachal atema Leki Tsering aser Amarjeet nati wicket kaka agi.

Iba asaya akokba sülen Nagaland team Plate Group nung temaba jenjang nung tembang aser Knock-outs atema qualify süogo. Parnok October 11 nü Ahmedabad nung Uttar Pradesh (Elite Group A top 2 team) den Pre-Quarter Final asayatsü.

2018 küm sülen tang mezüingbuba Osaka top 10 nungi tuguogo

Paris, Mongputeni/October 4 (Agencies): 2018 küm US Open akokba sülen tang mezüingbuba Naomi Osaka tetsür asayatem rongnung top 10 nungi tuguogo. La tang asaya nungi anisüingzükba mapang ka lir.

Japan tsürla ya taoba mapang world number one liasü, aser la taoba ita US Open tasembuba round nung tsükba sülen tang tashi khen danga asayaa mali.

Hombarnü sayaba WTA rankings nung Osaka jenjang 12bubai asepzükaluogo, koba küm asem tejakdang Flushing Meadows nung Grand Slam title mezüingbuba akokba sülen tajemtiba asütsü. Iba asayamung nung lai Serena Williams koka liasü.

Taoba hopta arishi küm 23 tain asayar yagi, la yakta asaya tenzüiktsü akok ta shiogo.

Osaka-i la indang mental

health anepalutsü atema taküm French Open nungi tuguatok aser Wimbledon nunga shilem magitsü telemtetba agi.

Kasa mapang nung taoba hopta Chicago nung asayamung ka akokba sülen Grand Slam

anaben koker alila Garbine Muguruza jenjang trokbubai tuogo.

Tunisia tsür Ons Jabeur, shiba final nung Muguruza-i tsükdakja liasü, laa tang mezüingbuba jenjang 14buba tongtetogo.

October 4 nü tashi nung WTA top 20:

1. Ashleigh Barty (AUS) 9,077 pts
2. Aryna Sabalenka (BLR) 7,115
3. Karolina Pliskova (CZE) 5,285
4. Iga Swiatek (POL) 4,756
5. Barbora Krejčíková (CZE) 4,668
6. Garbine Muguruza (ESP) 4,595 (+3)
7. Elina Svitolina (UKR) 4,376 (-1)
8. Sofia Kenin (USA) 4,190
9. Maria Sakkari (GRE) 4,055 (+1)
10. Belinda Bencic (SUI) 3,835 (+2)
11. Petra Kvitová (CZE) 3,735
12. Naomi Osaka (JPN) 3,326 (-5)
13. Anastasia Pavlyuchenkova (RUS) 3,255
14. Ons Jabeur (TUN) 3,220 (+2)
15. Angelique Kerber (GER) 3,105 (-1)
16. Elena Rybakina (KAZ) 2,983 (+1)
17. Simona Halep (ROM) 2,982 (-2)
18. Elise Mertens (BEL) 2,885
19. Cori Gauff (USA) 2,815
20. Anett Kontaveit (EST) 2,616 (+3).

Mbappe-i PSG nem pa ayokba ajang sen aazükdaktsünüa liasü

Paris, Mongputeni/October 4 (Agencies): France striker Kylian Mbappe-i ashiba agi, pai July ita Paris St Germain dang pai club toktsüner ta shiogo, ajita asünung dang pa ayokba ajanga club sen tera aazüktetla aser pa melener bushitsü atema mapang peria lila.

Real Madrid-i Mbappe alitsü atema aiben benokdang saka PSG-i magizük, shiba season tembangba sülen free agent ka ama club toktsür otettsü, kechiyong pa indang contract June ita tembangtsü.

"Ni club toktsür aotsü atema

asüingdangogo, kechiyong ni club den tenangzüktepba tasen meyanglunüi liasü. Ni melener tajung ka bushitsü atema club nem transfer fee aazükdaktsünüa liasü," ta arishi küm 22 tain asayari RMC Sport den sensaksemba mapang ashi.

"Iba club yagi kü nem aika agütsüogo, ni idaki küm pezü tashi jangradema asayaogo aser maneni pelaa dang lir. Ni jelia metetdaksüogo.. ni, nenoki ni modaktsünera ni maotsü ta ashi," ta paisa ashi.

Mbappe-isa, club nungi küm trok mesera tenet asayatsü

atema maongka agütsüba ni magizü ta osang adokbaji tai ta ashi.

"Nüburtemi ni küm trok tenet ka atema club nungi asayatsü atema maongka agütsüba magizük ta ashir; ni (sporting director) Leonardo den mejembiner ta ashi, koba tai lir. Parnoki kü dang tir den jembitsü ashi," ta pai rasaaa ashi.

"Parnoki ni August ita-ang club toktsür aotsü ashi ta ashijaji ni mepelar. Ni July tatemi ni club toktsüer oner ta shiogo," ta Mbappe-i ashi.

Nagaland aser Manipur na asaya athi

Dimapur, Mongputeni/October 4 (TYO): Women's U-19 One Day Trophy nung tanü Railway stadium, Bhubaneshwar nung Nagaland aser Manipur na asaya tzüinglu aruba ajanga tembanga masayatet.

Asaya nung Manipur team-i toss akokba sülen mezüing bat asütsü shim aser parnoki over 38 nung asayar ajak out ser run 77 dang yanglu.

Parnok rongnungi

Irengbam Shelina (W)-i run 22 yanglua liasü.

Nagaland team bowler tem rongnungi Soyimkumla-i wicket 5, Bipila-i-2 aser Priyanka, Watinaro aser Vipeni nungeri wicket kaka agia liasü.

Nagaland team atema iba tatembang buba asaya koka asayamung tembangtsü maongka tajung liasü, ajisüaka tzüinglu aruba ajanga masayatettsüa aküm.

8buba Kohima district open volleyball asayamung ayonger

Kohima, Mongputeni/October 4 (TYO): Kohima District Volleyball Association (KDVA)-i ayongzüka 8buba Kohima District Open Volleyball Tournament 2021 asayatsü renema lir. Iba asayamung ya November 10 nungi 13 tashi Kohima Local Ground nung asayatsü. Asayamung nung tetsür aser tebur naprongla asayatsü.

KDVA-isa, November 24 nungi 27 tashi Kohima nung All Nagaland Inter District

Volleyball Tournament 2021 ayongzüka asayatsü.

Iba dak sendakba nung KDVA-i, October 5 nü KDVA office (Local Ground) nung 2:30 ako nungi tenzüka inti senden ka ayongzüka amentsü aliba sangdongogo. Senden nung taruba asayamungtem atema onük benoka sensak asemtsü. Iba senden nung KDVA züingsemtem ajak tamakok maludaktsüi adentsü metetdaksüogo.

Ranieri-i Watford manager mapa agizüktsü



Mongputeni/October 4, 2021 (Agencies): Taoba mapang Chelsea aser Leicester City coach Claudio Ranieri-i Watford manager agizükogo, ta Sky Sports sangdong ka ajanga Hombarnü metetdaksü.

Ranieri, shibai 2015-16 season nung Leicester pur league nung temaba jenjangi ani, pai Watford den tenangzüktepba ka yanglutsü imlar.

Arishi küm 69 tai coach shibai taoba season tembangba sülen Serie A club Sampdoria tokja liasü, pai Xisco Munoz

melentsü, shiba Watford puri Leeds United pur goal 1-0 agi makokba sülen anogo ka lir club toktsü.

Italy nunger coach Ranieri ya taoba mapang Atletico Madrid, AS Roma, Juventus aser Inter Milan nung coach liasü anungji pai experience aika bener Watford-i arutsü.

Watford pur tang Premier League nung jenjang 15buba nung lir. Parnoki asaya tenet nung point tenet dang nguteta lir aser parnok relegation zone-i point pezü agi dang mei lir. Parnok October 16 nü Liverpool den kidang asayatsü renemdar.

BILEMDANGANG

"Tema tepor ajungba dang nungi terinemjem mulungsentsüji sentiba."